



(Izvor: SARTR)

U SARTR-u održana radionica o dizajnu svjetla "Thinking The Light Drawing The Light"

Objavljeno: 06.12.2023. 09:23

Uređeno: 06.12.2023. 09:23

Od 2. do 5. decembra u Sarajevskom ratnom teatru SARTR, u organizaciji Udruženja "Kontakt" održan je drugi dio radionice dizajna svjetla Luigia Biondija "Thinking The Light Drawing The Light".

Radionica koju je održao Luigi Bondi, dizajner svjetla iz Milana održana je u saradnji sa Ambasadom Italije u Sarajevu.

"Ovo je bio uspješan nastavak saradnje udruženja "Kontakt" sa eminentnim dizajnerom svjetla iz Italije, Luigi Biondi. Radionici su prisustvovali dizajneri i majstori svjetla iz pozorišta iz Zenice, Banja Luke, Sarajeva i Tuzle, kao i studenti akademije scenski umjetnosti ASU u Sarajevu, te režiseri i glumci iz naše zemlje. Moram istaći veliku čast i privilegiju što već drugi put imamo priliku pohađati radionice jednog takvog maestra za svjetlo, kao što je Luigi. Radionice sa Luigijem osim što nam služe da naučimo mnoge dizajnerske, softverske i tehničke inovacije za primjeniti, služe i da podignu svijest, umjetnički izražaj pristup našem poslu"-istakao je Nedim Pejđah, dizajner i majstor svjetla.

U protekla 4 dana, kako se navodi u saopćenju Sarajevskog ratnog teatra, učesnici radionice su radili kompletu pripremu, projektovanje, 3D vizuelizaciju, tehničku specifikaciju jednog teksta i predstave koju su obrađivali. Vidjeli su kako se profesionalno radi i priprema jedna predstava.

"Doslovno smo u 4 dana napravili virtuelnu postavku i pripremu predstave. Nešto što se generalno na Balkanu gotovo i ne primjenjuje. Ovo je jedan nivo dizajna i pripreme koji svaki istinski zaljubljenik u dizajn svjetla mora shvatiti kao nadahnuće, a ne samo puku spoznaja koliko zaostajemo tehnički, umjetnički i na kraju krajeva finansijski, za dizajnerima u zapadnoj Europi i svijetu. Dizajn svjetla je umjetnički aspekt teatra i kao takvom mu se treba pristupiti"- kaže Nedim Pejđah, dizajner i majstor svjetla, jedan od 4 polaznika radionice iz Sarajevskog ratnog teatra.

Luigi Bondi-biografija

Luigi Biondi od 2018. godine predaje "Dramaturgiju svjetla" na prestižnoj Nacionalnoj akademiji dramskih umjetnosti Silvio D'Amico. Od 2022. godine tu istu poziciju ima u Civica Scuola di teatro "Paolo Grassi" u Milanu. Od rane dobi je posvećen pozorištu, i kao glumac i kao tehničar svjetla.

Kroz susret sa Maurizioom Vianijem, dugogodišnjim dizajnerom svjetla Lea De Berardinisa, proširio je svoje poimanje dizajna svjetla u pozorištu kao esencijalnog poetskog alata za izražavanje i prenošenje umjetničkog značenja predstave.

Kao dizajner svjetla, putovao je po cijelom svijetu i učestvovao na renomiranim međunarodnim festivalima kao što su Teatarski festival u Singapuru, FIBA Festival Internacional de BuenosAires i Nouvelle Scène Internationale à Montréal. Između ostalih, radio je sa: Stefano Bollani, Davide Iodice, Pierpaolo Sepe, Lisa Ferlazzo Natoli, Raffaele di Florio, Mario Martone, Roysten Abel, Danio Manfredini, Antonio Calenda, Claudio Tolcachir, Raffaella Giordano, Aida Talliente, Massimo Popolizio, Michele Riondino, Maria Muñoz i Pep Ramis iz katalonske trupe Mal Pelo.


Luigi Biondi je bio dio pozorišne trupe Teatro De Los Sentidos, u Barceloni, koju je predvodio Enrique Vargas, a s kojim i danas saraduje. Od 2015. godine je član OPERALCHEMICA, kreativnog kolektiva koji postavlja savremene i klasične opere. Od 2015. do 2016. radio je u studiju ACT Lighting Design u Bruxellesu.

Kako se navodi na web stranici Udruženja za podsticanje i istraživanje izvedbenih umjetnosti u BiH "Kontakt", Luigi Biondi se uz dizajn svjetla također bavi edukativnim radionicama, te je održao brojne seminare i obuke za javne i privatne ustanove. Od 2003. do 2005. godine nadgledao je radionicu Stage Illuminating Engineering (inžinjering scenske rasvjete) u zatvoru Lauro (AV). Dobitnik je nagrade Le Maschere Italiano za dizajn svjetla u predstavi "M il figlio del secolo" u režiji Massima Popolizia.

federalna.ba

radionica o dizajnu svjetla

Share 2



Sadržaj

VIJESTI

SPORT

KULTURA

VIDEO

EMISIJE

PROGRAM

RADIO

Sekcije

TV PROGRAM

RADIO STREAM

PRIJAVA

Naša mreža

FACEBOOK

YOUTUBE

TWITTER

RTV Logo

Redakcija federalna.ba
Bulevar Meše Selimovića 12
71000 Sarajevo
redakcija@federalna.ba